

# Beth nesaf?

## Cymwysterau

Mae hyfforddiant trylwyr ar gyfer marchnad gystadleuol heddiw yn hanfodol ac mae Cymwysterau Galwedigaethol Cenedlaethol (National Vocational Qualifications - NVQs) neu'r Scottish Vocational Qualifications (SVQs) yn gymwysterau ynghylch gwaith, wedi eu seilio ar safonau a ddatblygwyd gan ddiwydiant a masnach. Maen nhw ynghylch codi safon cymwyseddau pobl. Mae hynny'n golygu hyfforddi mwy o bobl i lefel uchel fel y gallant gynhyrchu nwyddau a gwasanaethau o safon dda.

Mae NVQs /SVQs yn cael eu gosod mewn fframwaith ar bedair lefel gan ddechrau â chyflwyniad ar Lefel 1, hyd at y sgiliau hanfodol sydd eu hangen ar gyfer therapi harddwch, ewinedd a sba sylfaenol ar Lefel 2, i'r sgiliau mwy technegol ar Lefel 3 a'r rheolwr ar Lefel 4 ac yn uwch. Mae safonau penodol ar Lefel 3 NVQ/SVQ ar gyfer Therapi Harddwch, Therapi Sba a Gwasanaethau Ewinedd. Ar ôl cwblhau'r lefelau hyn, gall therapïddion symud ymlaen i gymhwyster Tystysgrif neu Ddiploma Cenedlaethol Uwch (Higher National Certificate or Diploma - HNC/HND), Gradd Sylfaenol neu Radd Anrhydedd.

## Canllawiau a Chyngor

### Lle alla'i fynd i gael canllawiau a chyngor yn rhad ac am ddim?

Gallwch fynd i wefan Habia i gael y canllawiau a'r cyngor diweddaraf ynghylch gyrfaedd yn y diwydiant therapi harddwch.

[www.habia.org](http://www.habia.org)

### Swyddfeydd Gyrfaedd

Mae staff mewn Swyddfeydd Gyrfaedd yn darparu gwybodaeth a chyngor ynghylch cyfleoedd hyfforddiant yn eu rhanbarth. Maen nhw'n darparu gwybodaeth i bobl ifanc ynghylch y cyfleoedd sydd ar gael iddynt, gan eu helpu i ddewis yr yrfa gywir. Mae Swyddfeydd Gyrfaedd yn cynnwys

## Prentisiaethau

Mae cymryd Prentisiaeth mewn Therapi Harddwch yn golygu dysgu tra rydych chi'n cael eich cyflogi yn y salon. Yn ogystal â chymryd NVQs/SVQs ar gyfer Lefel 2 a/neu Lefel 3 er mwyn cymhwyso mewn therapi harddwch, byddwch hefyd yn ymdrin â sgiliau allweddol neu graidd sy'n bwysig ar gyfer gyrfa lwyddiannus. Fodd bynnag, os yw canlyniadau eich TGAU, graddau Safonol neu Uwch yn ddigon uchel, does dim rheid i chi gymryd y sgiliau allweddol/craidd. Bydd rhai Prentisiaid hefyd yn astudio ar gyfer tystysgrif dechnegol, sydd yn gymhwyster galwedigaethol ychwanegol. Gall pob prentis ddysgu'r sgiliau Technoleg Gwybodaeth y bydd pob therapïdd harddwch eu hangen mewn salonau yn y dyfodol.

Mae rhaglenni prentisiaeth ar gael hefyd mewn Gwasanaethau Ewinedd a Therapi Sba.

Bydd rhaglenni dysgu'r Prentisiaethau'n amrywio, gan ddibynnu lle fyddwch chi'n astudio, felly edrychwch ar wefan Habia er mwyn cael y wybodaeth a'r datblygiadau diweddaraf.

taflenni gan gyflogwyr arbennig a sefydliadau hyfforddi; mae ganddynt wybodaeth hefyd am swyddi gweigion.

### Darparwyr hyfforddiant

Gall darparwyr hyfforddiant lleol roi cyngor ynghylch gyrfaedd a gwybodaeth ynghylch cyrsiau hyfforddi addas sydd ar gael.

### learndirect

Mae 'learndirect' yn rhoi cyngor diduedd ynghylch gyrfaedd, rhaglenni dysgu a chyrtsiau yn genedlaethol. Gallwch gysylltu â learndirect ar rhadffôn 0800 100 900 neu ewch i

[www.learndirect.co.uk](http://www.learndirect.co.uk)

	Swyddfa Gyrfaedd	Cyswllt
Cymru	Gyrfa Cymru	<a href="http://www.careerswales.com">www.careerswales.com</a> Ffôn: 02920 906700
Lloegr	Connexions	<a href="http://www.connexions-direct.com">www.connexions-direct.com</a> Ffôn: 080 800 13 2 19
Yr Alban	Careers Scotland	<a href="http://www.careers-scotland.org.uk">www.careers-scotland.org.uk</a> Ffôn: 0845 850 2502
Gogledd Iwerddon	Career Service Support Unit (CSSU)	<a href="http://www.delni.gov.uk">www.delni.gov.uk</a> Ffôn: 028 9044 1784

## safonau • gwybodaeth • atebion

Habia yw'r corff a gydnabyddir gan y llywodraeth ar gyfer gosod safonau ar gyfer trin gwallt Affricanaidd - Caribiaidd, gwaith barbwr, therapi harddwch, trin gwallt, ewinedd a sba, ac y mae'n creu'r safonau sy'n sail i bob cymhwyster gan gynnwys NVQs, Prentisiaethau a chodau arferion.

Yn bwynt cyswllt canolog os am wybodaeth, rydym yn darparu canllawiau ynghylch gyrfaedd, datblygu busnes, deddfwriaeth, diogelwch salon, cyfleoedd cyfartal, a ni sy'n gyfrifol i'r llywodraeth am faterion fel hyfforddiant a sgiliau yn y diwydiant.

Rydym hefyd yn codi proffil ein diwydiannau trwy gyfrwng y wasg a'r cyfryngau, a ni yw'r pwynt cyswllt cyntaf i sefydliadau fel y BBC, Channel 4 a Sky TV am eitemau newyddion a gwybodaeth gefndir.

Mae Habia hefyd yn cyflwyno atebion yn uniongyrchol i:

**salonau** - i'w helpu i ddeall deddfwriaeth gymhleth fel iechyd a diogelwch a chyfraith cyflogaeth, gwella'r broses o gadw cleientiaid a chodi perfformiad busnes.

**gweithwyr** - i ennill y sgiliau y mae cyflogwyr eu hangen i allu cynnig y diweddaraf yn ôl galw cleientiaid a'r technegau, offer a'r nwyddau diweddaraf, a defnyddio NVQs.

**hyfforddwyr** - i ddarparu cymwysterau â llawlyfrau cymorth hyfforddiant, a chreu rhaglenni addysgu llwyddiannus sy'n ymdrin â chyflwyniad ac asesu cychwynnol.

**dysgwyr** - trwy gynnig llyfrau ac arweinyddiaid addysgu sy'n uniongyrchol gysylltiedig â'u hastudiaethau, a thrwy roi cyngor ar lwybrau gyrfa a chymwysterau.

A ninnau'n sefydliad nad yw'n gwneud elw, mae popeth a wariwch chi â Habia yn cael ei fuddsoddi'n ôl yn eich diwydiant.

I gael mwy o wybodaeth am sut y gallwn ni eich helpu, cysylltwch â ni yn:



BUDSODDWR SIEMW POBL

© Hawlfraint 2006 Habia - Cedwir pob hawl  
Llun y Clawr gan Mary Cohr  
Lluniau oddi mewn gan RA Imaging ar gyfer Habia

**habia**  
safonau • gwybodaeth • atebion

Oxford House, Sixth Avenue, Sky Business Park, Robin Hood Airport,  
Doncaster, South Yorkshire DN9 3GG  
Ffôn> 0845 2 306080 Ffôn gwerthiant> 0845 6 123555 Ffacs> 01302 774949  
Ffôn Rhyngwladol> +44 845 2 306080 Ffacs Rhyngwladol> +44 1302 774949  
E-bost> [info@habia.org](mailto:info@habia.org) Gwefan> [www.habia.org](http://www.habia.org)

**habia**  
safonau • gwybodaeth • atebion  
sbaen

**habia**  
safonau • gwybodaeth • atebion  
yr eidal

**habia**  
safonau • gwybodaeth • atebion  
y dwyrain

**habia**  
safonau • gwybodaeth • atebion



**Gyrfaedd mewn  
Therapi Harddwch**



# Gyrfa mewn Therapi Harddwch

## Beth sy'n gwneud Therapydd Harddwch da?

Er mwyn dod yn therapydd harddwch byddwch angen cyfuniad unigryw o sgiliau a byddwch angen cryn dipyn o hyfforddiant. Bydd yn rhaid i chi hefyd fod â gallu heb ei ail bron mewn amrywiaeth eang iawn o sgiliau.

Bydd yn rhaid i chi fod yn gyfathrebwr ardderchog, nid yn unig gyda'ch ffrindiau a'r bobl rydych chi'n eu hadnabod yn dda, ond gyda phobl o bob grŵp oedran, cefndir cymdeithasol, cefndir ethnig, gwaith a rhyw.

- Byddwch angen cryn dipyn o sgil a dawn artistig
- Bydd rhaid i chi ddysgu rheolau sylfaenol cemeg, ffiseg, anatomi dynol, ffisioleg a mathemateg
- Byddwch angen cryn dipyn o egni corfforol
- Dylech fod yn eithriadol o dda â'ch dwylo
- Dylech feddu ar bersonoliaeth fywiog, egni, cryf a diddorol
- Dylech fod yn ddiplommatig, llawn cydymdeimlad a dylech fod â'r gallu i wrando a chyfathrebu'n dda
- Bydd raid i chi fod yn barod i ymgymryd â chyfnod hir o hyfforddiant ar y dechrau ac yna fynd yn eich blaen i ddatblygu eich sgiliau trwy ddysgu technegau newydd gydol eich oes waith.

Mae dod o hyd i'r holl nodweddion hyn mewn un unigolyn yn beth anodd iawn. Dyna pam fod therapyddion harddwch da yn brin a dylid gwobrwyo sgiliau prin. Gall fod y tâl yn isel yn ystod y cyfnod hyfforddi ond bydd yn aml yn cael ei wella gan gildwrn oddi wrth gleientiaid a bydd yn cynyddu ymhellach gan gomisiwn sy'n cael ei ennill trwy werthu cynnyrch adwerthol i gleientiaid. Bydd therapyddion harddwch yn y prif salonau a'r rhai hynny sy'n symud ymlaen i swyddi rheoli neu'n rhedeg eu salonau eu hunain yn ennill hyd yn oed yn fwy.

Ar ben hynny, fel therapydd harddwch cymwysedig â rhagor o hyfforddiant a phrofiad, mae cyfleoedd i arallgyfeirio i swyddi eraill sy'n gysylltiedig â harddwch. Bydd rhai yn y maes addysgu a hyfforddi, sy'n denu cyflogau uchel a buddion.

Mae bodlonrwydd mewn swydd yn dâl na allwch chi fyth ei fesur. Byddwch yn gweithio mewn diwydiant sy'n datblygu'n gyflym ac yn newid gydol yr amser. Mae therapyddion harddwch yn mwynhau eu gwaith ac yn cael pleser di-ben-draw yn gweithio â'r cyhoedd i wella eu golwg a'u cysur. Fel therapydd harddwch, mae gennych sgiliau a fydd yn sicrhau eich bod yn gallu symud mewn swydd mewn salonau, sbâu a ffermydd iechyd yn y wlad hon, ar fwrdd llongau mordaith ac mewn cyrchfannau gwyliau rhyngwladol ledled y byd.


Mae therapi harddwch yn ddiwydiant a fydd yma hyd byth ac y mae ganddo gynnyrch anhygoel. Ond, yn bwysicach na hynny, mewn cymdeithas heddiw lle mae pobl yn colli swyddi a diwydiannau'n methu, ni fydd y wasanaeth y mae therapyddion harddwch yn ei gynnig a'r sgiliau sydd ganddynt, byth yn diflannu.

## Gyrfa mewn Therapi Harddwch

### Beth y mae Therapydd Harddwch yn ei wneud?

Mae therapydd harddwch yn darparu triniaethau a gwasanaethau i wella golwg cleient yn ogystal â gwella eu cysur. Bydd rhai o'r triniaethau, tylino'r corff er enghraifft, yn eu helpu i ymlacio yn ogystal â'u helpu i gael gwared ar straen eu bywydau prysur. Bydd rhai therapyddion harddwch yn cynnig triniaethau fel trin y dwylo, y traed, colur, cwyro, a thrin yr amrannau a'r aelïau. Bydd y rhai hynny sydd â chymwysterau uwch yn darparu triniaethau electrotherapi i wella ffyrffiant a siâp y corff ac yn rhoi triniaethau diflewio er mwyn cael gwared ar flew yn barhaol.

### Yr Ysgol Yrfa – Therapi Harddwch



### Y Diwydiant Therapi Harddwch – Ffeithiau

Mae dros 7,500 o salonau therapi harddwch yn y DU yn ogystal â thros 5,400 o salonau trin gwallt yn cynnig triniaethau therapi harddwch. Mae'r diwydiant therapi harddwch yn mynd yn fwyfwy amrywiol. Mae nifer y barrau ewinedd a'r sbâu yn tyfu, gan gynnig mwy o gyfleoedd i'r therapydd harddwch ymestyn sgiliau a gwybodaeth.